

欽定戶部漕運全書

支放糧米

一沙河八品催總善豐委署催總永福并唐河  
領催八兒常川在沙河居住監造活計每季所  
食米石俱在京倉支領往返寫遠咨准照

圓明園等處官員就近領米之例移撥在豐益本

裕二倉支領

嘉慶五年

一倉場侍郎達慶奏滿漢官員俸米添貯城內  
七倉設遇陰雨連綿車輛口袋均有壅滯停壓  
之虞請將俸米專貯城外太平等四倉關支軍

機大臣議駁仍照乾隆五十九年奏定章程勻

貯城內城外十一倉輪流支放

嘉慶五年

一嘉慶五年各倉存貯黑豆充積較多戶部奏  
准每石照市價酌減銀三錢令王公大臣官員  
等各按品級承買於俸廉等項銀內依限照數  
扣價歸款

一嘉慶六年欽奉

恩旨賞給八旗兵丁一月甲米鑲黃正黃二旗並包衣

甲米在萬安倉開放正白旗並包衣正紅鑲白

等旗甲米在儲濟倉開放鑲紅正藍鑲藍等旗  
甲米在興平倉開放

圓明園等處左翼兵丁米石坐派本裕倉右翼兵  
丁暨健銳營戰船舵工水手米石坐派豐益倉  
通州看守通倉披甲鑲黃正白鑲白正藍東四  
旗米石派中倉正黃正紅鑲紅鑲藍西四旗米  
石派西倉八旗養育兵米派興平倉其支放各  
事宜均照每月甲米之例辦理

一修築通會河漫口工程未竣運京米石較少

經倉場侍郎奏准本年秋季官員應領俸米暫  
移通倉開放其應放米色仍按文職四品以下  
武職三品以下世職子男以下均以稷稷二色  
支給至明歲春季俸米現有親王郡王捐存米  
內白糧較多將明春京倉應放官員俸米暫照  
舊定章程以六色支給仍在通倉關領一次  
嘉慶六年

一嘉慶六年九月御史達靈阿奏籌備倉儲請  
將八旗兵丁及各項坐甲應領之米留二三成

存倉按時價發給折色奉

上諭傳旨申飭並將原摺擲還欽此

一嘉慶六年十月奉

上諭前經倉場侍郎奏將今冬甲米及明春官員俸米俱搭放黑豆已依議行但近閱順天府所報糧價黑豆價值較之各項米價賤至五錢及二三錢不等因思八旗兵丁全賴甲米以資口食若將豆石搭放於兵丁甚屬無益所有本年冬月以後甲米仍照舊支給不必搭放黑豆至官員等著照原議搭放欽此

一官拴馬匹於場馬回京後分給官兵拴養嘉  
慶六年酌定各旗營每年以兵部傳知領馬之  
日定限十五日內造冊送部戶部劄倉開放限  
各倉於五日內呈報開斛務於兩月限內一律  
完竣違限者叅處

一戶部議河南道監察御史赫霖奏請照乾  
隆五十四年章程每月三旗甲米分別城內城  
外挨倉輪放應如所奏辦理惟附近關廂之太  
平倉究係坐落城外應與城外之倉輪算嗣後

每月三旗甲米在於城內七倉分派二旗城外  
四倉分派一旗一切事宜仍照現行章程辦理  
并令倉場每年約計每倉應放米數於漕糧到  
通時分別均勻派貯

嘉慶六年

一朝陽門外開倉放米該監督將米車挨次逐  
輛放出倉外不准齊放自倉門至朝陽門交該  
營弁兵逐段稽查不許爭先搶越其朝陽門至  
城內大街責令左翼翼尉該城門官及步營官  
員管束如遇三倉一齊放米之日多派官兵按



段稽查開通道路不得擁擠尋常車輛各分上下車轍逐段隨行車戶人等不遵約束立即枷號示衆至通州二八月開放俸米令該營自朝陽門外東嶽廟之東管轄進城設遇城外五倉有開倉之日買賣輕車俱令由東直門行走以

免擁擠

嘉慶六年

一八旗甲米向例分季開支係三個月支領一次鑲黃正黃二旗並包衣定於正四七十等月支放正白正紅鑲白三旗於二五八十一等月

支放鑲紅正藍鑲藍三旗於三六九十二等月  
支放按照旗分次序挨倉輪放嘉慶六年奏改  
每月三旗甲米城內二倉城外一倉惟城內城  
外路分遠近各旗赴倉領米自應輪流前往以  
昭平允酌定嘉慶七年正月爲始正二三等月  
應先輪居末之鑲黃正黃二旗包衣暨鑲白鑲  
藍二旗在城外之倉開放其四五六等月應次  
輪居首之鑲黃正白鑲紅三旗在城外之倉開  
放七八九等月應再輪居中之正黃正紅正藍

三旗在城外之倉開放至十月以後卽照輪定  
次序週而復始

一山東道監察御史舒昇阿奏外火器營官兵  
歲支米石請仍歸海運北新二倉支領一摺戶  
部議以此項米石從前改於本裕豐益二倉支  
領原因該二倉距火器營駐劄地方路途較近  
所有海運北新二倉坐落城內該兵丁等進城  
關米實屬寫遠車價昂貴是以改爲就近支領  
以示體恤迄今行之已久並無不便毋庸復議

更張嘉慶七年

一查倉御史於倉中開放俸米畢向例惟據監督詳報放竣別無冊檔可查酌定嗣後倉監督先將應領各員具冊送查倉御史並將所收領票於三五日內照冊註銷覈對清楚仍將領票呈送倉場以備查覈嘉慶七年

一趕領俸米向未定有限期嗣後以倉場侍郎劄倉之日起定限三十日傳知各旗趕領不得逾限如有過限扣畱存倉仍將春季趕領之米

歸春季俸米之倉覈放秋季趕領之米歸秋季俸米之倉覈放毋得另劄別倉統俟領竣將有

無逾限之處報部查覈

嘉慶七年

一萬安倉開放米石無論東西二倉按例先儘年分最陳之米闔放如此倉陳米足數開放自不許再開彼倉致滋弊竇如一倉陳米不敷必須在彼倉找放仍照挨陳之例辦理不得越次

關支

嘉慶七年

一官兵應領俸甲米石除自食之外如有多餘

原不禁其售賣但當米價騰貴之時或鋪戶希圖漁利而花戶藉以多索使費以致市價增昂倉場侍郎會同各查倉御史嚴切曉諭除該役等應得箇票錢文毋許稍有多索仍明察暗訪儻有不肖花戶勾串鋪戶營私漁利卽行嚴拏

究治

嘉慶七年

一閏月甲米向係查明年分最陳之米覈劄三倉近年倉貯之米年分相等並無陳米可劄議將下月輪放甲米三倉作爲閏月開放以後每

月旗分倉口挨次遞推如遇閏月年分適有陳

米仍可按例辦理

嘉慶八年

一查倉御史舒昇阿奏本年春季俸米內搭放黑豆戶部劄倉之時並未照各倉存貯新陳多寡均勻搭派恐書役有勾通朦混情弊請交戶部會同倉場侍郎明定章程一摺奉

旨著交戶部堂官明白迴奏等因欽此經戶部查明覆奏查上年王公大臣俸豆係劄舊太海運二倉文武官員俸豆係劄萬安儲濟二倉此次仍係

如此辦理所以劄舊太等四倉者緣京倉內祇有該四倉貯豆其次序係舊太在前海運次之萬安儲濟又次之是以照例挨次覈劄此次劄放豆石原係抵米之項文武官員應抵米數較多是以萬安儲濟二倉所放之數亦多王公大員應抵米數較少是以舊太海運二倉所放之數亦少劄倉既有定序所放之豆亦應隨米數爲多寡不能顆粒適均况抵放俸豆係一時偶爲調劑之舉亦未便因豆數稍有多寡輒將厯



年定例更改

嘉慶八年

一向例王公名下五旗包衣藍白布甲民公侯伯各大臣名下坐甲及八旗佐領名下坐甲米石俱係在於京倉支領嘉慶七年因通倉派貯米石較多奏明改於通倉支領嗣以各甲在通守候盤費缺乏或因腳價倍多多有在通賤售而回京轉以貴價糴買且通州爲漕糧交卸之區恐奸丁易於置買致滋回漕之弊奏准仍在

京倉支領

嘉慶八年

一番役既有緝捕之責凡倉米出京及囤積回漕等弊例當查拏若其子弟在倉充役自必表裏爲奸嗣後禁止番役親屬充當花戶倉場侍郎仍不時稽查如有前項情弊卽行嚴辦又各倉關米時如有串通花戶挑挖好米加增斛口應責成各倉監督及查倉御史嚴行查禁倘有此弊一經查出除將花戶從重治罪外仍將該監督及該御史照例分別議處

嘉慶八年

嘉慶九年戶部會同八旗都統倉場侍郎奏乾

隆五十九年酌議各旗每月領米章程十五條  
立法已覺周詳內有嘉慶元年以後奉

旨及奏改各條卽於各本條分晰註明開後

一 每月三旗輪放甲米無庸倉場坐派倉口徑

由戶部按照在京祿米等倉次序於每月初一

日挨定三倉令該三旗分往關支俾一旗之甲

米統在一倉承領或三色米內間有一色不敷

卽可按成抵給總不得赴別倉找補一俟章程

定後請自本年八月初一日爲始照此辦理

查此

款內所稱揆定三倉之處如應放之三倉統在城外未免米車進城擁擠於嘉慶六年御史赫霖奏奏准每月城內二倉城外一倉開放在案

一每年新漕進倉時應令倉場酌量舊存各色米石多寡均勻派貯並將某倉存貯某年分各色米石若干詳造清冊先期咨部存案以便分別新陳割放

一每月部定倉口後卽行知都察院衙門籤派滿漢科道各一人將該倉貯米廩座查驗標封至放米之日責成該科道率同該監督等眼同

領米旗員揭去氣頭移貯空間廩內再將應放之米一律放給仍令各該倉監督將各旗所領米樣封送戶部其各該旗於領米完竣之日亦將米樣送部以憑覈對倘有兩不相符之處戶部據實查參其所貯氣頭廩底仍令該科道卽時標封俟出罐廩底時再令該科道查驗開封以防偷換其舊設查倉御史向係一年一換於倉務並無裨益嗣後應行停止毋庸奏派所派監放甲米之科道其本衙門別項差使均令扣

欽派科道一員一年更換在案

除用專責成

查此款內每月放米都察院籤派

年倉場侍郎傅森奏准照舊每倉

滿漢科道各一員之處於嘉慶四

一八旗領出米石各責成其本旗都統或副都  
統會同查倉御史屆期赴倉公司驗明米色米  
數即將領出之米籤掣佐領次序當即分給各  
兵丁押同原車分送交卸仍先期傳知各該佐  
管領下食米之兵丁等於領米之日齊集倉門  
等候俟米一出倉卽刻驗放以免擁擠停滯之  
虞並於一旗全行放竣之日各將日期報部查

數

一各旗應領甲米令各該旗都統先期覈明所屬各佐管領下應領米數若干人數若干造具清冊咨送戶部轉行倉場俟開倉之日卽令該三旗都統於定限一月之內各將其本旗應領米石無論滿洲蒙古漢軍包衣共分作十五起每起約領十餘個佐領管領之米陸續前往關支以免擁擠又於每起內更番調派賢能章京一員領催四名並於應食米之兵丁內挑派三

四名令其赴倉廩內眼同領米以防撓雜剋扣之弊至一旗甲米向定限一月放竣如限內不完請將監放之都統副都統及該科道並該倉監督均照支放官員俸米遲延之例罰俸一年庶各該員知所儆惕不致有任意耽延之虞

一各該旗赴倉領米倘該監督與花戶人等以低潮之米任意攪和或短少米數以及勒索錢文等弊許兵丁等自行首告其領米旗員等亦卽稟明各該都統將監放之該科道及該倉監



督一併嚴叅花戶等從重究治如領米旗員領  
催及食米兵丁在倉生事有意搜求擾累該倉  
監督亦卽呈明該科道將該都統及領米官員  
一併嚴叅領催及兵丁等亦從重究治

一各旗都統副都統旣在倉口監放甲米而各  
倉又有派出科道專責稽查所有向來另請派  
都統副都統查倉之例應請停止

一支領甲米向係各該旗雇車載送因車價低  
昂原無定數以致承辦領米之人向兵丁名下

任意浮開價值藉端分肥應令官爲酌足價值  
東四旗距倉較近每米一石酌給制錢六十文  
西四旗距倉較遠每米一石酌給制錢七十文  
倘有遲悞惟承辦之員是問其車價錢文由該  
旗派員赴部具領戶部爲庫暫爲墊發仍於一  
月運竣之後令該旗算明總散數目若干造冊  
送部卽於應領米石之兵丁錢糧冊檔內聲明  
坐扣戶部存庫歸款如有浮冒剋扣等弊該旗  
都統并查旗御史隨時查叅從重嚴辦

查此款車價於

嘉慶四年給事中慶岱奏稱官定車價遇雨水時斷不敷用且悉領俸私自挪用臨時仍須兵丁增添錢文請遵舊例各旗自行雇用毋庸官爲墊發奏准在案

一各倉支放甲米每石兵丁向給個票制錢二十文爲花戶人等飯食之用今酌於例給錢文之外每石連票錢再加給制錢八文俾花戶人等無從藉口以免額外需索此項錢文應令倉場於通濟庫內先爲墊發覈明報部咨旗亦照車脚之例統於領米之兵丁錢糧冊檔內聲明坐扣戶部存庫歸款

查此款個票錢文於乾隆五十九年戶部奏明改爲

局錢墊發其錢數於嘉慶五年倉場侍郎達慶等奏准每領米一石給個票錢二十四文在案

一

圓明園暨健銳營官兵關領俸甲米石向在本裕豐益二倉原爲就近便於支領應照舊坐放外至外火器營官兵坐落藍靛廠其米石向在海運北新二倉支領殊屬寫遠請亦改歸本裕豐益二倉酌量道路遠近支領查

圓明園領米車價每石向給制錢五十文至七十文不等健銳營道路較遠其車脚每石需用制

錢一百至一百五十文不等個兒錢及票錢均  
係給與制錢二十一文覈其數目尙無浮多應  
照舊辦理今外火器營米石旣改歸本裕豐益  
二倉支領其車腳錢文應照

圓明園官兵領米之例一例妥辦酌量道路遠近  
總不得過七十文之數其個兒錢及票錢仍照  
舊給與制錢二十一文所有領米雇車各事宜  
均責成該管官照八旗甲米章程妥協辦理至  
此項改放米石令倉場於新漕內酌量改撥

一通倉存貯米石除宗室王公等及公候伯世職俸米並文職三品以上武職二品以上官員俸米照舊赴通支領外所有文職自四品以下武職自三品以下世職自子男以下春秋二季應領俸米請卽於祿米等十一倉分季輪流就近關支屆期亦先行知都察院衙門另派滿漢科道各二人輪赴各倉率同該監督等照支放甲米之例一體稽查辦理查各倉內均有空閒厰座此項俸米改歸京倉支領春秋二季約計

米二十餘萬石儘足存貯不致有米多廩少之虞至俸米內有糯米白米二項約四萬餘石並應令倉場侍郎按照數目同稬稷粟米一併由通州運至大通橋轉運京倉酌於較大倉口改貯不必各倉零星分貯以便支放

查此款內白糧嘉慶元年

欽奉

諭旨仍舊改貯通倉

一滿漢各員應領俸米應照舊定章程分給各員米票自行赴倉支領其每石例給個兒錢及票錢共制錢二十文令各該員封交領米家人

於赴倉時面交該監督取具收票毋得假花戶人等之手致滋需索所領米石亦同甲米之例揭去氣頭移貯空廩將純潔之米一律發給毋得有勒指攙雜之弊查現在新漕業經陸續抵通此項俸米應俟明年春季爲始卽在京倉支放並知照倉場於本年漕糧進倉將應運京倉米石預先均勻派貯以便關支其運京米石腳費照例入於通濟庫奏銷報部查覈

一內務府每年約需白麥四千七百餘石請令



倉場於每年新麥到通時卽將此項麥石照數  
徑行運送內務府交恩豐倉存貯備用毋庸陸  
續向各倉支領以歸簡易倘有不敷另行咨明  
我領查此款白麥於乾隆六十年倉場侍郎僧  
保住以恩豐倉地面狹隘難以掀晾請照  
舊勻貯蘇米等  
十倉奏准在案

一八旗官馬并各項官兵拴養馬匹及五營差  
馬等項每年共應領豆十六萬餘石請並照支  
放甲米之例令承領豆石之人眼同該監督一  
律勻放倘有任意攪雜等弊准領豆拴馬之人

回明該管衙門查叅究辦再查支領馬豆係各官兵等指餉承買例無個兒錢文其車腳價值統照八旗承領甲米之例分別東西等旗道路遠近每石定給六十文七十文之數至

圓明園暨火器營領豆腳價酌給制錢一百文健銳營距倉較遠每石酌給制錢一百五十文統由該旗營及各衙門派員赴部具領於每月運竣後令各該旗營及各衙門算明總散數目造冊送部卽於領豆之兵丁馬乾冊檔內聲明坐

扣戶部存庫歸款

查此款領豆車價於嘉慶四年奏停墊發領米車價之後

亦一律

停止

一米商舖戶囤積居奇遇有兵丁等需用銀錢之處向其借貸輒將未領米石先期賤價押賣謂之短米及屆各倉放米之期該舖戶等串通領催倉役及倉書斗級包攬冒領或叅佐領等素與往來曲爲徇隱殊干嚴禁請飭交步軍統領衙門順天府及五城徧行出示如舖戶人等現有將兵丁米石違禁預買者除將應領之米

飭令該兵丁自行赴倉關支外將兵丁賁處其  
用過鋪戶銀錢不准償還如奸商等仍敢索討  
或叅佐管領爲之調停了事許兵丁等自行出  
首將索債人從重治罪該叅佐管領嚴行叅處  
以清弊端

以上十五款各倉各旗實力奉行該管上司  
密爲稽查倘承辦官員漫不經心或故蹈前  
轍卽責成監放之都統御史及倉場侍郎指  
名叅奏如有因循失察別經發覺除將本人

從重治罪外經管各上司一併交部議處再  
領米雇車價值天時晴雨不定道路遠近不  
等應令各旗都統副都統遇領米月分務擇  
賢能章京妥爲經理仍查每石實用車價若  
干出示曉諭兵丁庶不致有暗中浮開勒索  
情弊

一西中二倉應放粟米自嘉慶三年以後俱以  
稷稷抵給嘉慶十年山東河南二省採買粟米  
三十萬石奏准將王公大員俸米內應支粟米

一項全以本色開放並於應放白糧內再以粟米抵放一二成庶不致久貯折耗嗣因粳米受潮仍以粳抵粟俟舊存粳米放竣再按本色支放

一京倉餘存黑豆在於王公大臣文武官員俸米內稜粟項下抵放歷係分別品級大小按倉口次序覈劄嘉慶十年因次序在先之舊太倉豆石較多在後之萬安倉豆石較少奏准酌爲變通以海運萬安二倉豆石抵放王公大臣俸

米舊太儲濟二倉抵放文員官員俸米嗣後如  
各倉豆石多寡不甚懸殊仍照歷年舊案辦理  
一內倉歷年積存盈餘白米一萬石老米九千  
石江米二千七百石奏准將八旗六品以下文  
武職任官員並恩騎尉世職官員應領嘉慶十  
二年春季俸米內以江米一成三分白米五成  
粳稷三成七分按成搭放以疏陳積  
嘉慶十一年  
一嘉慶十二年奉

上諭德文李鈞簡奏調劑倉儲一摺此項粳稷米四十

餘萬石本應運送京倉上年賡音李鈞簡率准分貯  
通倉本屬非是迨賡音李鈞簡具奏將京官俸米改  
歸通倉支放經軍機大臣議駁嗣伊等復行竇請朕  
又特降諭旨不准所行該侍郎等於上年接奉此旨  
自應卽將此項米石迅速轉運京倉以憑支放乃遲  
之又久直至本年漕運報竣始飭經紀人等轉運京  
倉以致冰凍旣堅不能舟運而陸運又多折耗該役  
力難賠墊不得不設法調劑皆由賡音李鈞簡辦理  
不善所致賡音李鈞簡均著交部議處等因欽此嗣



據吏部議以降一級留任

漢軍每季應領甲米一萬餘石

限五日領完

包衣每季應領甲米一萬二千餘石

限六日領完

正藍旗滿洲每季應領甲米三萬二千餘石

限十日

三日

領完

蒙古每季應領甲米一萬餘石

限五日領完

漢軍每季應領甲米一萬餘石

限五日領完

包衣每季應領甲米一萬八千餘石

限十四日領完

鑲藍旗滿洲每季應領甲米三萬二千餘石

限十日

四日

領完

蒙古每季應領甲米九千餘石

限四日領完

漢軍每季應領甲米一萬餘石

限五日領完

包衣每季應領甲米一萬六千餘石

限七日領完

一多羅貝勒永琿派出守護

西陵每季應領俸米造冊咨准移於任所支領

嘉慶十五年

一護國公永玉守護

西陵所有公俸並藍甲校六名藍甲六十一副咨准移

於易州倉支領

嘉慶十五年

一嘉慶十六年浙江省杭嚴等三幫軍船遭風

傷重兌收米內潮潤米石篩颺尚堪食用但米質究已受傷恐入廩難以久貯奏准先行搭放至沈涇米石照例買餘抵補

一浙江台前等幫驗有灰嫩估計七成米石倉場奏請另廩存貯以一石作七成支放戶部議覆進倉漕糧間有不堪久貯之米從無折成開放之例駁令照例按數作正搭放

嘉慶十七年

一浙江湖白幫颺折實九成及八成半米石倉場奏請另廩存貯於秋俸應領白米項下搭

放二成儘數出倉其不敷成色以本倉次白米  
如數找足嗣據給事中劉奕煜奏稱浙省七成  
漕糧既於甲米內按數搭放並不找足成色請  
將八成半及九成白糧一律辦理戶部覆准漕  
白二糧閒有米色叅差向係奏明搭放並無折  
成開放之例應如所奏毋庸找補成色以歸畫

一 嘉慶十  
七年

一 倉場奏萬安倉支領俸檔放至成字廩粳米  
浮面稍有濡潤攪雜因廩座頭停瓦片叅差以

致雨水滲漏浮面起出米二千五百石加意篩  
颺尚堪食用搭放甲米爲數不及一成倉場奏  
准該倉下屆輪放甲米時儘數均勻搭放  
嘉慶十七年

一嘉慶十七年奉

上諭榮麟等奏申明放米舊例以杜弊端一摺國家每  
歲轉輸南糧數百萬石分貯倉廩除俸糈外支放甲  
米以資八旗養贍恩意至渥定例於放米時將氣頭  
廩底除去各旗人得以支領好米以給饗飧自應安

靜關支若米色黃白參差不齊安能任聽挑揀致滋  
爭執嗣後各倉支放甲米時如本係好米實無攙和  
微變情弊旗人故行挑斥米色者著該監督報明倉  
場侍郎據實參奏儻或倉米果係低潮該旗人毋庸  
在倉爭論卽將米樣包呈該旗都統副都統據實參  
奏朕派員赴倉查勘如米石實不堪食用定將倉監  
督懲治若米石並無不好旗人妄行呈竄者亦必加  
以懲處所有榮麟等請申明舊例於放米時將氣頭  
揭除其浮面中間之米拌勻支放及挨次挨廩不得

兩廩並開以杜揀廩滋弊之處均著照所請行將此  
通諭八旗並諭倉場衙門知之欽此

一開放俸甲米石倉場奏稱七成以上好米拌  
勻開放部議七成以上作正關支六成以下發  
城糶賣係專指掃收土米而言額貯正供迥非  
土米可比未便援照自應遵照放米成規除去  
氣頭廩底將十成純潔好米一律發給不得攙  
和成色米石致滋弊混

嘉慶十  
七年

一開放俸米自嘉慶七年給事中福泰奏准按



城內一倉城外一倉輪割查城內七倉城外四倉多寡分配不均應請十七年秋俸仍照嘉慶七年以前章程由京城內外十一倉每季割放二倉自祿米倉起輪流開放週而復始以後各倉進米均勻坐派不得以貯米較多越次奏請

開放

嘉慶十七年

一嘉慶十七年新收粳米不能一律堅實御史吳椿奏請新陳各半支放戶部倉場會議新收粳米共計一百五十餘萬石內惟三十八萬餘

石米質較嫩覈計不耐久貯之米不過十分之二自應於輪放甲米時儘先開放俟放竣後仍照舊先陳後新以符定制再祿米等十一倉所貯米石多寡懸殊應將十八年春季旗俸除放舊太倉外先於裕豐倉開放一次秋季旗俸除放海運倉外先於儲濟倉開放一次其十八年秋季輪放之北新富新一倉移於十九年春季開放

一嘉慶十八年倉場叅奏萬安倉開放甲米內

有稞稊攙雜米色叅差該倉漢監督並未到倉  
滿監督亦未認真查驗均屬疎玩交部分別議  
處並將該花戶枷杖革役

一嘉慶十九年奉

上諭榮麟等奏議覆御史夏國培條奏支放甲米章程  
一摺本裕倉放出米石分途載運豈添派御史一員  
所能稽察周到夏國培所奏原屬難行至該侍郎等  
議請嚴禁領米兵丁不得在米鋪囤積及借空房堆  
聚一節亦多窒礙該兵丁等領米之後不能獨雇車

輔卽行運歸勢不得不於附近米鋪暫行寄貯或就肆中舂碓皆情事所必然若多爲厲禁徒滋苦累其回漕之弊全在步軍統領等衙門嚴密巡查遇有違禁私囤及包攬拉運者將奸商拏獲重懲自可剔除積弊若更制而於事無益不如其已也欽此

一嘉慶十九年豫省並無到通白麥所有內務府及光祿寺應用白麥倉存不敷在於東省新運漕麥內派運供支

一內倉每年額貯漕糧梗米三萬三千餘石今

倉場坐派江南儀徵幫梗米一萬石灰暗潮溼  
不耐久貯應於本年趕緊先行開放其續派漕  
米尚有二萬三千餘石務擇乾潔好米派撥勿  
致攪和以備支放

嘉慶二  
十年

一通倉積存白米二十四萬餘石經部奏准將  
京倉領俸滿漢四五品文職三四品武職及四  
品以上世職本年秋俸暫移通倉概以白米抵  
給約九萬餘石再王公滿漢大員本年秋季明  
年春秋二季應放本色白米並江米粟米均以

白米抵給可放十四萬餘石統計一歲即可掃  
數出倉再白米一項每年餘存二萬七千餘石  
並無支項嗣後王公大員每年應領粟米三萬  
二千餘石卽以支贍之白米儘數抵給其不敷  
粟米仍以本色找足至每年通倉向貯粟米除  
留備找放外其餘粟米概運京倉以備支放甲  
米圈粟之用

嘉慶二  
十一年

一嘉慶二十二年浙江嘉興等府屬漕糧閒有  
青腰白臍浙撫奏請先行搭放奉

上諭酒糧爲天庾正供米色總宜圓潔卽或限於天時  
未能一律飽綻亦當加意篩剔若因米色不純難以  
久貯輒請將新糧先行搭放必致舊存糧石陳陳積  
壓殊非慎重倉儲之道除此次姑准交納外嗣後該  
撫務宜督飭所屬揀選好米期於一律圓潔如再有  
將醜米率行兌收者該撫察看情形輕則申飭令其  
更換重則加以叅處毋稍姑息將此諭令知之欽此

經倉場奏准各倉舊存十九二十年米石祿  
米南新海運北新興平等五倉已經放竣舊太

富新太平萬安裕豐儲濟等六倉尚存舊貯梗  
米二十一萬餘石本年十一倉均有新收不堪  
久貯之米如舊米現已放竣之倉卽將此項新  
米全數儘先開放至舊米未竣之倉請將此項  
新米與舊米各半均勻開放再湖州府屬粳米  
三萬餘石體質更嫩輪放之時儘先開放毋庸  
入筒闔掣

一嘉慶二十二年奉

上諭給事中賈聲槐奏請整飭倉務一摺官員兵丁私



賣米票交鋪戶代領及已滿花戶把持倉務均干例禁至各倉成色土米日久未領亦恐於放米時易滋撓雜之弊著交倉場侍郎嚴加查察如有前項情弊隨時釐剔以重倉儲欽此

一通州西中二倉嘉慶二十一年分存賸稞米九千餘石稜米約三萬三千一百餘石若運京倉多糜脚價二十二年經戶部奏准於明年王公大員春秋二季應領白米項下抵放三成並令將下存稞稜米石按年掃數放竣再派新糧

每年新陳接算不得逾一萬石之數

一嘉慶二十三年奉

上諭潤祥等議駁御史文溥條奏八旗官員俸米請照大檔甲米之例支領一摺所駁甚是御史有言事之責如事關利弊有裨政治者原准其據實條奏八旗官員支領俸米向係分給米票自行赴倉關支自乾隆年間奏定章程歷今二十餘年相安已久該御史忽欲更改舊章請將各旗員俸米由該旗添派叅領等全數領出再行分給是明爲叅領等開包攬剋扣

之門該御史必係受人慫恿故爲此奏難逃朕之鑒察也欽此

一嘉慶二十四年御史余本敦奏叅裕豐倉監督開倉後輒自回家封條交與花戶封貼吏部議降四級調用奉

旨名倉監督不兼本衙門差使原令其專心在彼稽查時加防範猶恐花戶等乘閒舞弊若啟閉時俱不親身到倉輒將封條交花戶等自行封貼實屬曠職著麟魯成名部議以降四級調用尙不足以示懲俱著

卽行革職欽此

一道光二年御史常賡奏請京倉米石以放代  
盤戶部議准卽於三月分輪放之舊太裕豐海  
運三倉按月接放至七月底放竣本年三月至  
七月運到之新糧暫於未經放米之興平祿米  
太平南新萬安等五倉另廩存貯七月以後續  
到之糧卽在放空之舊太裕豐海運三倉全數  
起運再北新儲濟富新三倉今歲新糧毋庸收  
貯以便騰空廩座至俸米一項卽於下次接放

甲米之倉先行勾放嗣據倉場奏稱窒礙難行  
並稱現在漕務方殷請自七月內盤起又經戶  
部議覆欽奉

上諭前據倉場侍郎奏戶部議覆御史常賡請肅倉  
儲摺內有窒礙難行之處請仍照嘉慶十四年成  
案辦理當交戶部覈議茲據奏稱現屆新糧進倉  
惟其暫緩盤查惟應妥立章程使新舊不得淆混  
等語倉儲爲天庾重地以放代盤法歸簡易若新  
陳牽混仍恐易滋弊端著倉場侍郎將京城十一

倉全局通盤籌畫妥定章程自本年七月爲始務  
使輪應開放之倉陳米顆粒不存隨時報部驗明  
後再行收進新糧俾在倉人役不得挪新掩舊並  
嚴禁奸胥蠹吏飾詞阻撓以昭覈實而清積弊欽  
此戶部議覈倉場京倉以放代盤妥定章程入  
款

一原奏擬請

欽派三倉一款查以放代盤係十一倉通行盤放之  
事非抽查可比應令七月內卽於輪應開放之

三倉盤起以歸簡易

一原奏先放陳米再放新米一款查新陳接放  
先後偏枯應令將盤放之倉無論陳新一體均  
勻搭放

一原奏稜米不敷以陳稜代放一款查稜米不  
敷以稜抵放難以先後一律均勻應令於開放  
之時一體按成搭放以免偏枯

一原奏本年盤放三倉明年漕竣再派三倉盤  
放一款查次第接放出陳人新兩無妨礙應令

於七月起盤放三倉完竣後挨次三倉接放以符原議

一原奏俸米於下次輪應盤放之三倉先行勻放一款查前次議覆摺內俸米應於下次輪放三倉勻放係便於轉運起見茲據議覆應毋庸議

一原奏監督分派幫同辦理花戶人等自行酌量添雇一款係因本倉監督照料難週花戶不敷使用起見應如所奏通融辦理



一原奏領米逾限將該監督及領米官員交部  
議處未領之米存倉一款查三旗並放三倉卽  
連月放米並未多增旗分何致有誤期限該侍  
郎等不得意存偏袒致滋事端

一原奏包衣米石另創一倉開放一款查三倉  
盤放原爲併放易於盤盡若包衣另創一倉是  
四倉盤放轉稽時日應按包衣領米月分卽在  
盤放之倉支領以符舊制

以上八款  
道光二年

一大學士軍機大臣會同九卿覈議具奏倉場

盤查利弊一摺欽奉

上諭倉儲爲天庾重地欲杜虧挪立法必臻妥善大學士等議請隨時派員抽查不爲無見朕思剔奸釐弊立法總須按照倉廩實貯清冊逐盤查驗見底俾新陳不能牽混難於掩飾自不如以放代盤事歸簡易著仍照戶部原議自本年七月爲始務使盤放之三倉陳米顆粒不存驗明再進新糧以後挨次盤放進至三年即可全竣果能實力奉行不特目前挪移可杜卽後進新糧冊檔可稽衆目

共覩如有虧缺責有攸歸如此立定章程於倉儲  
實有裨益至所議開壩橋倉轉運不繼恐有阻滯  
屆時著派英和前往彈壓勿令壅積欽此

道光二年

一崑山縣米四萬六千九百餘石米色灰黯難

以久貯現在各倉以放代盤奏准運至六月分

輪放之北新富新裕豐三倉存貯以便先行搭

放

道光二年

一內倉積存正項盈餘漕白米七萬五千餘石

改放八旗滿蒙漢六品以下文武職任官員並

四品以下世職官員本年秋季俸米三萬餘石  
又歷年盈餘氣頭廩底米四千餘石發交五城  
領糶正項盈餘黑豆六千餘石除自本年六月  
起至明年六月止留支各項馬豆外儘數搭放  
健銳內外火器等營馬豆其餘漕白米石放至  
道光三年六七月間餘存之數約可無多彼時  
新糧已進支放各項亦可無虞支絀

道光二年

一戶部奏准前因京倉廩座不敷收貯分運通  
州中西二倉米內除直隸撥用六萬石外尙存

粳米十九萬六千餘石秣米二萬三千餘石請  
照嘉慶十五年疏通陳積之案將王公藍白布  
甲民公侯伯坐甲於通倉米內預領抵放查該  
布甲坐甲等八旗合計每季應領粳米二萬六  
千餘石秣粟二色米二萬六千餘石共米五萬  
二千餘石今通倉存貯粳米十九萬六千餘石  
秣米二萬三千餘石以應放一季秣粟計算尙  
不敷三千餘石卽以粳米通融抵給又應領粳  
米二萬六千餘石共五萬二千餘石放給該布

甲坐甲等本年十十一十二等月米石外其餘  
存稞米十六萬七千餘石足敷六季稞米之數  
卽於本年十月爲始限三個月全數領竣所有  
預領六季稞米請自道光四年正二三等月起  
至五年四五六等月止分作六季扣還其六季  
內應領稞粟米石仍由京倉放給其餘賸米一  
萬餘石仍貯通倉以爲看倉官兵甲米之需此  
次藍白布甲等預領米石係因通倉不耐久貯  
暫爲設法調劑此後不得援以爲例

道光  
三年

一道光三年六月內奉

旨向來各倉放米章程該監督將各旗所領米樣送部各旗於領米完竣亦呈送米樣覈對辦理本屬周詳惟日久懈生仍致有名無實自應稍爲變通以歸覈實著照戶部所議嗣後各倉收米時令監督將各廩貯米按廩包取米樣鈐印送部將來各旗赴倉領米如果米色平常卽報明查倉御史並將米樣專案送部該部提取原送米樣覈較如有不符卽行照例叅辦總須實力奉行不可日久仍

復視爲具文致滋弊混欽此

一道光五年開放八旗春俸舊太倉現存稜米十五萬餘石稜米僅一萬餘石海運倉又經盤竣其北新富新二倉均未貯米議准將八旗官員俸米內應領稜米劄行舊太倉應領稜米劄行興平倉開放其八旗冊檔應先劄舊太倉按照稜米數目辦票後務於二月初五日前移交興平倉辦票如此一轉移閒一季俸米仍係兩倉八旗官員亦領本色至存貯北倉臺米尙存



米九萬九千餘石應令迅速撥運以五萬石存貯祿米倉以四萬九千餘石勻貯南新舊太興平太平儲濟五倉務於二月內全數入倉在於甲米應放稜米內儘先開放並將米樣送部查驗

一道光五年八月倉場奏本年南糧抵通遲滯三進江廣幫船未到稜米不敷支放等語欽奉上諭著戶部將各倉應放稜米現應如何籌酌辦理及本年秋季旗俸劄放萬安倉稜米並九月分劄

放北新倉甲米一併另行覈議飭倉遵辦欽此經  
部議覆查本年江廣稔米係江南首進幫船折  
回裝運是以抵通稍遲迥非短絀可比現今應  
放九月分甲米尙未屆期如屆期未到自應查  
照成案稔米不敷以粳抵給至萬安倉現存稔  
米除放甲米外開放秋俸約短五千餘石計開  
放限滿已在十月下旬彼時稔米諒已抵通儻  
進倉稍遲亦應於十月初間再行報部覈辦此  
時未便先事輕議更張

一各倉開放滿漢俸米呈報開斛日期經部奏  
准於開斛五日之先報部以便行文八旗及領  
俸各衙門換票支領並令按五日一次報部此  
五日內有無領米由部稽查覈辦以杜米局併  
票花戶勒索之弊

道光五年

一道光五年部議開放俸甲各米由部按季割  
放所有割倉事宜開列清單預行咨明倉場分  
別米數均勻派貯各倉現在收貯之米卽當預  
計明年割放之數俾稗稷粟三色米石按旗開

放有盈無絀不得米色參差並令倉場於進米之先所有氣筒席片松板楞木嚴飭照數交倉各倉監督認真鋪墊如花戶人等有偷賣等弊立即嚴懲究辦查倉御史一體稽察

一道光六年奉

上諭百春等奏本年海運漕糧及上年北倉滯漕運通米石難以久貯均應先行開放著照所請海運兩進漕糧已運過通壩洪斛米九十六萬三千六百八十一餘石准其將六月以後抵通之米趕放完

竣卽接放頭進海運米石至上年截卸滯漕久儲北倉米色閒有微減亦著同海運兩進粳米先行搭放該部知道欽此

一議覆倉場存倉白麥搭放大檔甲米案內係屬麥貴於米之年新收漕麥與舊存麥石准其一併搭放甲米有閏之年於閏月內八旗一律全割無閏之年按照八旗輪定次序接依上次旗分割放

道光二十  
四年

一滿漢王公大員應領白米官員應領粳米前

經奏明抵放一二成稜米因倉存豆石現有贏  
餘稜米不敷開放奏准將王公大員應抵二成  
稜米官員應抵一成稜米改以黑豆放給卽將  
節省稜米留爲甲米抵粟之需

道光二十七年

一道光二十七年欽奉

上諭花沙納等奏收買續到商米情形一摺京倉支放  
甲米並無糙白糙和名目茲據該侍郎等查驗浙江  
所辦和米一項雖與稜米色質稍有不同而現在所  
收轉比稜米較勝且穀之早熟者爲和遲熟者爲稜

並無區別此次江蘇所辦之米亦有與浙江糙粳形色相等者是粳不其懸殊自應一律斛收抵粳搭放所有現收浙江省之糙白糙粳著卽一併歸入粳米項下支放俾兵丁遵照領米得以均沾實惠等因

欽此經戶部覆奏將此項和米令倉場侍郎收入粳米項下另廠存儲自五月分起抵作粳米於月放甲米內全行支放各旗領米將米樣送部查對倘與該大臣等送部米樣不符卽將該監督奏參

一內倉額進米豆遇有贏餘另行搭放嗣因歷  
年積存過多除留備本屆割放外尙餘種米三  
萬二千餘石黑豆五千餘石未便久儲經戶部  
奏准將向食本裕豐益二倉之

圓明園健銳火器等營兵丁甲米內每石四斗種  
米卽在內倉積存餘米內照數開放統放三箇  
月足敷支用俟三箇月後仍復舊章辦理至積  
存黑豆應於各旗營馬豆項下覈實放給以免

折耗

咸豐  
三年



一

上駟院及慶豐司所屬各園喂養馬騾牛羊駝隻等畜應領圈豆向係年清年款嗣因各倉存儲黑豆不敷支放節據

上駟院咨請以粟米抵放經戶部議准除將各倉存儲豆石儘數開放外所欠黑豆以粟米抵給暫行開放其節次欠領黑豆俟奉豆進倉隨時補放

一北新倉存儲雨淋黑豆五千餘石因各倉欠

放囤豆不敷開放倉場衙門酌擬搭放一成經

戶部據咨覆准

咸豐五年同治三年十年

一浙江等省採買捐輸漕米二千四石零粟米一萬一百十七石零因裏河凍阻倉場侍郎奏

請將此項漕米就近運進通倉留備開放通倉

甲米其粟米一項經戶部議令該監督等酌留

一千八百石爲明年開放看倉兵丁應領粟米

及抵放稔米之用其餘八千三百十七石零由

該倉監督加謹收儲俟明春冰泮全數運進京

倉如有霉變虧短卽將該監督等從嚴叅辦著

賠咸豐八年

一咸豐九年欽奉

上諭成琦等奏商運米石驗收完竣一摺江蘇省商運  
漕米八萬九千六百九十四石零除應曬晾之三百  
石由該倉場侍郎另行辦理外餘已驗收完竣惟據  
奏稱米質柔嫩不堪久存著戶部於開放俸米甲米  
時先行搭放至此後江蘇省起運米石著該督撫等  
飭所屬州縣揀選乾潔好米備運並不得和粳並收

以重倉儲該部知道欽此

一咸豐十一年欽奉

上諭綿勲奏營員舞弊請旨查辦一摺圓明園翼長春泰正黃旗營總春桂於八旗兵丁月領米石勾通廣茂糧店商人及車戶花戶人等按照市中賤米價值回堂墊放嗣後將好米領出多賣錢文上下分肥事關劣員營私舞弊亟應嚴行訊辦春泰春桂均著暫行解任交刑部審訊車戶池姓曹大曹二商人魯姓侯姓等並著步軍統領衙門嚴拿務獲一併歸案究

辦欽此

一內倉應放白米向係支放外藩蒙古王公口糧科爾沁土默特月糧朝鮮使臣口糧同治二年因倉存白米無多未便以秈米抵放奏准將內倉年內應放白米暫改通州中西二倉開放至內倉現收秈米米色細碎難免日久蒸變應將各廟喇嘛現領一半本色口糧以該倉所收秈米抵放

同治二年

一內務府需用白麥因豫省停運擬照該省糴

變例價每石一兩二錢五分折銀採買嗣據內  
務府以麥價昂貴每石例價一兩二錢五分不  
敷採辦請照豫省折漕新章每石以二兩折給  
經戶部議准並聲明嗣後豫省漕糧糶變價值  
如有增減亦一律照辦同治六年復據內務府  
以麥價不敷請於折銀二兩之外酌覈辦理奏  
經戶部議駁河南折漕新章解部之銀每石不  
過二兩庫款有常未便出浮於入所請應毋庸

議

同治二  
年六年

一向例內務府每年需用白麥四千七百餘石  
儻有不敷另行咨明找領至同治二年以前每  
年支領六千石三年以後遞有加增復經戶部  
奏定以同治二年以前每年支領六千石爲例  
領之數由內務府按年行支支領如於六千石  
之外再有不敷仍須找領由內務府大臣酌定

數目奏明辦理

同治六年

一城內七倉存麥共一萬九千餘石放項甚少  
據查倉御史移請搭放俸米經戶部奏准在於

官員現領五成折色俸米內以漕麥抵放一成  
嗣因麥石不敷搭放一成之數復經奏准將官  
員應領一成漕麥分作十成以九成支給漕麥  
其餘一成以粟米抵放

同治五  
六年

一各倉開放八旗兵丁甲米各旗都統副都統  
親身率屬赴倉領米於領米之日限同御史監  
督圍定厥座登時開放應領米石統由都統副  
都統全數領出督率參佐領等將米押赴本旗  
衙門按各佐領下人數散給取具參佐領並無



私折私賣甘結存案

一八旗支領甲米如米數較多一廩不敷應俟放竣一廩再行另闢不得兩廩並開致滋弊混至領米車輛應由該旗先期雇定放米甲斗應由該倉先期傳集臨時儻有參差不齊卽由該都統御史分別叅辦其三旗包衣甲米應由內務府大臣督率參領等辦理健銳等三營甲米卽由該管大臣等查照奏案一律辦理

一倉存各色米麥豆石統令查清管收除在數

目及存儲廩座開具清單二分以一分呈報戶部一分呈報倉場均限每月二十日報到其開除數目須將某時奉劄開放某項逐細聲明另由倉場衙門憑各倉報單再行開具總單咨部查覈限每月二十五日送到如有遲逾統由戶部奏叅將監督照溺職例議處

一各旗支領甲米應劄倉口由戶部堂官親身派劄無庸由該司按次擬派惟健銳等三營坐派本裕倉看守通倉兵丁甲米坐派通倉照舊

辦理以上同  
治六年

一各倉開放甲米以部文到倉爲始該倉無論  
有無未放款項均令卽時開放各清各款不得  
藉詞積壓儲米厥座務令公同闔掣不得指厥  
關領其各倉各旗放領米石統令依限報竣儻  
敢稽延卽由戶部將該倉監督從重奏叅花戶  
送部治罪旗員由本管都統查明叅辦

同治  
七年

一

東陵各項官員應支江白粳三色米石及

隆福寺喇嘛應領稷米向由戶部按照送到冊檔  
咨行駐通驗米大臣在於江浙漕白糧內撥給  
並咨直隸總督轉飭遵化薊州豐潤玉田等州  
縣赴通領兌運至薊倉按春秋二季赴倉憑票  
支米嗣

東陵守護大臣以各州縣兌收遲滯奏請仿照領運兵  
米成案由該大臣委員赴通領兌運存永濟倉  
按季支放經戶部覈准其運腳津貼銀兩仍由  
坐糧廳茶果項下支發

同治八年



精向係全放本色自改本折兼支放款較少難  
免陳積酥碎據倉場侍郎奏請將應放滿漢四  
五品文職三四品武職四品以上世職俸米暫  
移通倉以白粳米抵給先儘最陳年分厰座開  
放經部議覆暫放兩季俟兩季後仍歸京倉支  
領至向不在京倉支領之三營官員俸米仍由  
本裕豐益二倉開放

同治十  
二年

倉糧撥賑

一乾隆四十五年十一月欽奉

諭旨本年直隸夏秋水稍多武清房山等四十一州縣田禾被淹業經降旨截漕三十萬石以備賑濟之用但念其中有被災情形較重者明春尚應加恩展賑恐該省現貯銀兩不敷動撥著再加恩賞撥通倉米三十萬石部庫銀三十萬兩以資應用該部卽遵諭行欽此

一通倉撥賑米三十萬石須分派被災各屬赴

通領運但奉天運通溢額粟米現有二萬四千  
餘石凍阻姜家廠等處與通州武清等州縣災  
區較近應卽於現撥米三十萬石內查明扣抵  
以省自通輓運之繁乾隆四十五年  
一嘉慶五年奉

上諭本年閏四月節氣較遲現在近畿一帶尚未得有  
透雨恐附近貧民餬口維艱著五城順天府再行煮  
賑一月以副朕恤貧勲澤至意欽此

一嘉慶六年奉



上諭現在中頂廟內存留難民千餘名爲數較多著先  
於該處設廠煮粥令都察院派出滿漢御史各一人  
常川在彼住宿監放其餘被水處所著汪承霈等查  
明具奏一律辦理並令汪承霈等每日輪流前往各  
廠查察等因欽此

一嘉慶六年奉

上諭汪承霈奏永定門右安門外各村莊災民共有二  
萬二千餘人每口日給米三合三勺小口減半每日  
約需米八十餘石著加恩賞發京倉稂米二千四百

石以資賑濟等因嗣經查明每日需米八十七八石  
原領米二千四百石不敷一月之用復奉

上諭再撥給稔米二百四十石以資接濟俟一月期滿  
時應否展賑之處著汪承霈等察看情形據實具奏  
欽此旋據順天府會同副都御史奏災民赴工  
挑河毋庸展賑奉

上諭其中婦女幼孩及老病殘廢不能傭工者著於增  
壽寺地方照五城之例設立飯廠煮賑一月每日給  
米三石等因欽此

一嘉慶六年奉

上諭現聞各廠貧民就食者比往年人數較多著加恩  
添賞米三百五十石於京倉內支領分給十廠散放  
等因欽此

一嘉慶十一年欽奉

上諭近日京城米價較昂昨雖得有透雨而青黃不接  
之時市值尙未能驟減貧民口食維艱著於五城適  
中處所設廠發給米麥各四萬石平價糶賣以便民  
食其撥用何項米麥及派員經管之處速行妥議具

奏欽此經戶部議准於粳米內撥米四萬石現在糧  
價每粳米一石市價制錢一千八百五十文酌  
減制錢二百五十文以一千六百文出糶至麥  
石一項前因麥性難以久貯奏准將倉存麥六  
萬石搭放甲米今仍全數撥出與米石一同減  
價平糶現在每麥一石市價制錢二千八百文  
酌減制錢三百文以二千五百文出糶其出糶  
之米每人每日准其糶買自一二升起至一斗  
止出糶之麥每人每日准其糶買自一二升起

至二斗止均不得逾數多買如市價遞平官價亦奏明量爲酌減其餘均照從前章程辦理

一嘉慶十五年倉場侍郎以舊存麥石不耐久貯奏交戶部覈辦經戶部議將舊存漕白麥七萬四千餘石發城出糶以裕民食漕麥市價每石制錢二千八百五十文酌減制錢六百文以二千二百五十文出糶白麥市價每石制錢二千九百五十文酌減制錢七百文以二千二百五十文出糶餘照從前章程辦理嗣據巡城御

史海洪阿等以貧民家無磨具等因將前項出  
糶麥石奏交鋪戶領賣旋經左都御史王集等  
奏明麥質多不堅實請將漕白麥二項每石酌  
定制錢一千六百文交鋪戶領賣交價其各鋪  
戶自行糶賣麥每石制錢一千七百五十文較  
戶部原定價值擬減制錢五百文如鋪戶磨麪  
零賣每斤酌定制錢二十文五城出示曉諭居  
民令其照價承買庶於民食有益而鋪戶亦得  
稍沾餘潤其支領運腳等費卽在其內毋庸另

作開銷領糶麥價勒限兩個月陸續彙交司坊  
官具批赴部呈交

一嘉慶十六年奉

上諭京師雨澤稀少二麥歉收市集米價不無昂貴貧  
民口食維艱朕心廛念著於五城適中處所分設廠  
座發給倉貯米麥平價糶賣以便民食派澗祥誠安  
帥承瀛曹師曾康綸鈞馬履泰盧蔭溥莫瞻萊彭希  
濂費錫章等十員會同各該城御史分頭經理其應  
如何設廠定期並撥用何項米麥應需若干及如何

減價之處著該部卽查照向例速行妥議具奏欽此  
經戶部奏查京倉舊存粳米一百五十餘萬石  
稜米三十萬餘石現在新糧陸續進倉維新到  
麥僅六萬餘石除年例應用外存貯無多請卽  
於倉存粳米內撥出四萬石稜米內撥出四萬  
石分給五城設立十廠減價糶賣以便民食現  
報糧價每粳米一石市價制錢二千二百文酌  
減制錢四百文以一千八百文出糶稜米每石  
制錢一千七百文酌減制錢四百文以一千三



百文出糶其餘均照從前章程辦理

一嘉慶二十二年奉

上諭章煦等奏請賞撥通倉稜米並西山一帶量給本色米石一摺大興宛平兩縣賑米不敷著加恩再賞給通倉稜米八千石倉場衙門卽行撥給俾資賑濟其應撥天津北倉存貯稜米一萬石准先就近於通倉支領卽以應領之米歸款宛平縣屬西山一帶酌放本色三四成之處並著照所請行欽此

一嘉慶二十四年奉

上諭劉鏞之奏查明大宛兩縣被水較重村莊請先發帑米辦理急賑一摺著戶部卽撥銀三千兩倉場侍郎卽撥粟米三百石交順天府迅速派員承領分設粥廠以濟民食欽此又奉

上諭劉鏞之奏籌辦京縣災區急賑事宜一摺永定河漫水下注大興宛平二縣所屬村莊被災較重急應設廠煮賑以濟民食現據勘明大興縣所屬被災較重共一百九十村莊應設廠四座宛平縣所屬被災較重共五十四村莊應設廠二座已另降諭旨簡派

卿員十二人分赴六廠督辦劉鑲之卽飭該縣等迅速搭蓋廠座領運米石卽照所請自八月十六日開廠至十月初一日止所需粟米一千五百石除前經撥給三百石外著倉場侍郎再於京倉撥給粟米一千二百石交該府尹迅速派員分領至所奏賑務經費銀兩例由藩庫撥解此次京縣辦理急賑若俟直隸解運徒延時日著劉鑲之覈計如前次撥發銀三千兩尚不敷用應續請若干卽自行奏明由戶部就近動撥事竣覈實報銷其另摺奏固安縣被災村莊

應行賑恤之處本日據方受疇奏請已降旨一體設  
賑煮賑著卽會同方受疇妥辦經理用副朕加惠災  
黎至意欽此

一順天府尹奏准大興縣四廠因岳家務等處  
阻水村莊粥米兼放添派粟米二百石以資賑

濟

嘉慶二  
十四年

一嘉慶二十四年奉

上諭劉鏞之等奏請領大賑銀米並酌留煮賑廠座一  
摺著照所請大賑稜米三千六百石煮賑粟米八百

石俱於京倉撥給大賑銀一萬二千兩煮賑經費銀一千兩俱由廣儲司撥給該府尹等卽派員承領認真妥辦務令實惠及民勿致稍有侵冒其黃村所留煮賑廠座本係大興縣地方應歸該府尹辦理方受疇前奏固安附近黃村地方留廠之處應移應撤著交該督自行酌辦欽此

一道光二年奉

上諭顏檢奏被災州縣需用賑米請撥通倉米石以資賑濟一摺直隸省被水之區據顏檢查明應賑

者四十餘州縣共需大賑米三十五萬石除由天津縣北倉及各州縣常平倉內動撥外尚有不敷米十萬石等語著照所請准其於通倉內照數撥給以資賑濟如有餘米留爲來年加賑及借糶等項之需該督卽分飭辦災州縣赴通領回覈實散放認真經理務期實惠及民俾災黎不致失所如該州縣有辦理不善及尅扣浮冒情弊該督立卽嚴叅懲辦毋得稍事姑容該部知道欽此

一倉場奏准查散賑向用稜米通倉稜稜二項

每年收貯六千餘石爲看倉弁兵之用本年六月因雨水過大兼之京倉廩座不敷奏明截撥平斛粳米二十二萬二千餘石稔米六萬七千餘石分貯通倉作爲文武官員明年春秋俸米之用今直隸省請撥通倉米石卽將分貯之稔米內撥給六萬石再撥給粳米四萬石交直督支領仍存粳米十八萬餘石稔米七百餘石計明年文職四品以下武職三品以下世職子男以下應領春俸粳米足敷支放其不敷關支之

金匱要略卷之二十四  
稔米卽照例以稔米抵給

道光二年

一順天府奏准設廠煮賑在蘆溝橋等四處揀擇寬大廟宇搭蓋棚座置備器具柴薪妥爲辦理請撥京倉粟米四千石並經費銀二千兩卽於八月初一日開廠米石經費儻有不敷屆期再行酌辦經戶部議准查各倉存貯粟米除已將北新倉粟米先行撥給二千石外其餘粟米請於海運倉存貯稔米內撥給二千石通融抵

放

道光三年



一道光三年奉

旨盧蔭溥等奏酌改添設飯廠應折給米糧散放章程著照所議采育村龐各莊各添設飯廠一座其煮賑之例本係每日大口准報銷米三合小口減半惟念貧民逐日赴廠領飯跋涉維艱著准其折給米糧以五日之米並一日給發每月於逢一逢六日散放每次大口給米一升五合小口給米七合五勺均於九月初一日開廠折米散放著戶部卽撥給稜米二千石經費銀一千兩該府尹等嚴

飭大興宛平二縣趕緊預備妥爲經理事竣覈實  
報銷至蘆溝橋一廠改設大井村並黃村東壩清  
河共四廠亦著於九月初一日起改折米糧散放  
俾得普沾實惠欽此

一道光四年奉

上諭據陳若霖等奏大興宛平兩縣飯廠存米無多  
請再賞米石分撥四廠接濟煮賑等語現距麥秋  
尚遠饑民待哺甚殷所有蘆溝橋等四處飯廠著  
加恩再賞米四千石以資接濟該府尹等務督飭

所屬認真妥爲經理以副朕軫念窮黎有加無已  
至意欽此

一道光四年奉

上諭御史程喬采奏五城停止飯廠請將賞撥餘米  
分給棲流所以養老弱流民一摺本年京城內外  
赴廠就食流民甚衆現在順天府五城飯廠已屆  
停止除年力强壯力能傭趁耕作者不准留滯京  
城外其實係老弱流民勢難各回鄉里若任其在  
京覓食餬口無資情形殊爲可憫據該御史奏稱

各城俱於棲流所籌畫經費暫爲收養並添覓空房使之居住請將五城十廠前經賞撥未領餘米一千五百石分給五城棲流所每城可領米三百石照放賑之例大口五合小口減半逐日分別散給著卽交各巡城科道等飭屬領米散放並將該流民等藉貫姓名詢明註冊給予戳記籤牌隨時稽查妥爲經理務期實惠及民毋許假手書役吏胥致有侵漁剋扣之弊並著都察院堂官不時前往查察如有弊端立卽嚴叅懲辦無稍徇隱欽此

一普濟堂功德林二處粥廠收養貧民每年於  
十月十五日開堂起至次年清明節散堂止賞  
給京倉小米三百石如就食貧民過多由順天  
府奏請展限並請加賞米石  
咸豐三年四年各加賞小米二百石  
同治五年二月加賞小米二百石同治八十九  
等年各加賞小米五百石十一年三月加賞小  
米二百石八月又加賞小米五百石  
百石十二年加賞小米五百石  
一咸豐七年七月欽奉

上諭惠親王等奏遵議散放八旗賑米一摺著照所請  
八旗滿洲蒙古漢軍暨內務府三旗每日每旗各領

米六石由戶部籌撥各該旗都統酌量戶口多寡分  
成散放並著查旗御史會同各該旗都統副都統輪  
往監視以昭覈實現在米價昂貴八旗生計維艱若  
俟至九月始行散放恐不足以資接濟著各該旗於  
酌定章程後自本月起卽行散放以示朕恩膏速沛  
至意至八旗官紳中有願捐資助賑者卽照所議令  
赴捐銅局及火器營上兌另款收存以備採買米石  
之用餘依議欽此經戶部查照原奏八旗每日各領

粟米六石內務府三旗每日共領粟米六石統

計每日共需米五十四石分成散放行令倉場  
先期派定倉口知照各該旗按月支領所有車  
腳運費應由八旗都統暨內務府於每月領米  
時先期墊發按道路遠近覈實報銷赴部領取  
歸款仍將放領完竣日期報部查覈

查此項放  
賑米石自

咸豐七年六月放起至  
八年二月展限三個月又咸豐八年六月欽奉

上諭前因米價昂貴八旗生計維艱業經降旨展限三  
箇月散放賑米以示體恤現在米價仍未平減若將  
賑米放至五月停止恐不足以資接濟著加恩再行

展限三箇月仍由戶部撥給米石著各該旗酌量戶口多寡分別散放並著查旗御史會同各該旗都統副都統輪徃監視覈實辦理用示朕恩膏疊沛至意  
欽此

一同治六年欽奉

上諭戶部奏遵議外城粥廠酌給粟米一摺所有東城之卧佛寺南城之打磨廠西城之長椿寺法源寺北城之圓通觀梁家園各廠每月共需粟米二百七十石著照部議於八月初一日起由各城按月咨戶部



劄倉照數給發該御史等務當督率紳士妥爲施放毋任侵漁用副軫念窮黎至意餘著照所議辦理欽此

計東城卧佛寺南城打磨廠每月各領粟米六十石西城長椿寺每月領粟米三十石法源寺每月領粟米六十石北城圓通觀梁家園兩廠每月各領粟米三十石

一同治六年欽奉

上諭倉場順天府奏粥廠勸辦不敷援案懇恩加賞米石一摺通州王恕園粥廠向由該處紳民捐資辦理近年貧民就食較多今春於每年賞給粟米三百石外復加賞粟米二百石茲據該倉場侍郎等奏稱本

年夏間亢旱秋間河水漫溢被淹村莊較多飢民就食尤衆現在節屆冬令著再加恩賞給粟米一千石卽由通倉支給分撥王恕園等處散放以惠窮黎該部知道欽此嗣於同治十年十二年十三年均由倉場侍郎等援案奏懇

恩加粟米一千石由通倉支給分撥王恕園等處粥廠散放均奉

諭旨允准

一同治七年欽奉

上諭崇厚奏請撥北倉餘米撫恤難民等語直隸滄州等處地方旣被兵災又遭水患閭閻疾苦甚爲可憫崇厚擬將天津北倉餘存備賑粳米撥放滄州南皮鹽山慶雲吳橋東光甯津各處難民係爲撫恤流亡起見自應照所請辦理其河間天津以西直隸各府屬雖經被擾尙未被水地方應否概行撫恤之處著官文查明籌辦北倉所存餘米於滄州等處散放外能否勻撥他處抑須另籌款項均著官文崇厚妥商辦理山東被災被擾地方亦應分別輕重酌量撫恤

著丁寶楨妥速籌辦以安窮黎欽此